

Herremättli-Clique

Fasnacht 1932



's Fineli Baker in Basel

Sehr bigaischtrigsfähig isch,
Trotz der beese Schnure,
Basel, wenn's e Bsiechli griegt
Vo-n-ere-n-Äxtra-Gure,
Syg's e Kinostärn, wo losst
By-n-is d'Sunne schyne,
Oder wenn gar zue-n-is kunnt
D'Baker Josefine.

Denn es gheert e grosse Dail
Vo-n-is zue de Fäger,
Wo sich zruggentwiggle dien
Kulturell zem Näger.
Usserdäm e gwise Raiz
Het's fir tutti quanti,
Z'gseh emol e bitzli blutt
Nägerli, scharmanti.

Scho am Bahnhof, wenn si kunnt,
Goht go mache d'Kueh me,
Bis si fascht verstigge mues
Unter ihre Blueme;
Vor ere-n-uff baidi Gnei
Singge beesi Spetter,
Grindlig wird si interviewt
Vo de Dagesbletter.

Aino vo der „Nazi“ duet
's Fineli biglaite,
Kauft e Dotzed Lägerli,
Fir em Fraid z'birait,
Zaigt em 's Stedtli uff und ab
D'Lyt, die arbeitsame,
D'Läde, wo me drin ka ha
Sache nur fir Dame.

Z'obe kasch im „Kichli“ gseh
Syni Kinscht in Sache,
Bis der im Bigaischtrigsdrang
D'Neht fehn afoh grache.
's isch halt wider anderlai
So-n-e Nägerwybli,
Numme zmitts e Glainigkait,
Sunscht kai Hemd, kai Lybli.

's Alter zwor, ganz allgimain,
Hietet d'Burgertugend ;
Aber us em Hysli isch
Gsi e gwissi Jugend
Und het heeflig 's Fineli
An sy Stammdisch glade,
Fir emol vo Noochem z'gseh
Bis an's Fudi d'Wade.

Ob si sin uff d'Rächnig koh ?
'B fähle-n-alli Spure,
Niemerts weiss es, ob 's sich het
Ygloh uff Mensure;
Doch ernennt zem Ehrefux
Hän's die Heere Pipi,
Und es trait ihr Farbeband
Stolz am Mississipi.

Z'Basel respäggtiert me d'Kunscht,
Ohni lang go z'wehle,
Aimol 's Danzbai, 's ander Mol
's Gold in Sängerkehle.
Fineli, vergiss is nit,
Wenn du wyter wanderscht !
Mit em Gsang zwor isch es nyt,
's Gold hesch naime-n-anderscht,

**Bsuechet au d'Ladärnenusschtellig im Staine-
schuelhuus am Zyschtig, am 16. Februar,
vom 9 am Morge bis am 9 z'obe.**